


正法念處經

第二十五

二百九十一
誡五

44660



元祿九年丙子二月日重修

皇圖永固 帝階永固

佛日增輝 懋輪常轉

山城州天安寺法金剛院置



正法念處經卷第二十五

元魏婆羅門瞿曇般若流支譯

誠

觀天品第六之四 三十三天初



復次比丘觀於持戒若有離於持戒智慧不
得生天彼以聞慧見持戒者生於天中受天
快樂以有智故命終退時不墮惡道以何等
戒有幾種戒生於天中以何相生見七種戒
化生天中有上中下不殺生戒生四天王處
不殺不盜生三十三天不殺不盜不行邪淫
生夜摩天不殺不盜不邪淫不妄語不兩舌
惡口綺語生兜率陀天受世間戒信奉佛戒
不殺不盜不邪淫不妄語兩舌惡口綺語生



化樂天他化自在天亦如是比丘如是觀於
戒業繫諸衆生上生天中云何持戒生於何
處彼以聞慧見此衆生受不殺戒生四天處
身量色力富命第一若受不殺不盜戒生三
十三天身量色力富命轉勝若受不殺不盜
不淫親近修習生夜摩天身量色力富命轉
勝誠正後念處經卷五信智勝放生免率陀天身量色力富命轉
勝不殺不盜不邪淫不妄語兩舌惡口綺語
生化樂天身量色力受樂富命轉勝於前受
持不殺不盜不邪淫不妄語兩舌惡口綺語
生於他化自在天中身量色力壽命富樂勝
於餘天非魔波旬自在所使亦不使魔

復次比丘知業果報觀微細因生於天上彼見思心為勝戒因上中下戒生六欲天心勝業勝生於六天以心勝故生處亦勝

復次比丘觀戒幾種彼見世間有二種戒一者自生二者從他自生者自性能持從他者和合而生復有二種戒一者在家二者出家在家戒者所謂五戒出家戒者持解脫戒復有二種戒謂一行戒非一行者所謂一戒非一行者或受二戒或持三戒復有二種一者久時二不久時久時者盡形護戒不久時者隨心所要隨力持戒復有二種一者有垢二者無垢有垢戒者生於天中無垢戒

者至於涅槃復有二種戒一者世間戒二者
 出世間戒世間戒者則有流動出世間戒則
 無流動復有二種戒一者自護二者他護自
 持戒者名曰自護他護者令他住於世間深
 戒復有二種一者止二者作作者成就諸行
 轉於生死止者知因知緣而不造學復有二
 種誠一者智攝正法念處經十五二者施攝布施攝戒得二大富樂
 智所攝戒得至涅槃復有二種一者內行二
 者外行外行者依於淨身內行者心口意淨
 復有二種一者修習二者不習修習者已於
 無量世來修習不習者一世持戒如是比丘
 觀如是等無量二戒

復次比丘觀微細戒有幾種戒比丘觀戒復
有三種一者少分戒二者多分戒三者盡受
戒少分戒者持於一戒多分戒或持二三盡
受戒者持一切戒復有三種一者受二者不
受三者自性受者為賤利故而受禁戒不受
者疾病故而受禁戒自性者自性淨行此功
德勝復有三種戒一者禪行戒二者無禪戒
三者離惡戒禪行戒者修世間禪乃至入於
城邑聚落而常修禪非禪戒者離禪行戒離
惡戒者恐遭衆惡捨之不為如人醉酒行不
善業智人見之斷酒不飲復有三種戒一者
詣曲戒二者不詣曲戒三者性善戒詣曲戒

者垢染不淨得少果報不詣曲戒者得大果
 報性善戒者若心增上則得大果若心劣弱
 其果則小復有三種一者因緣持二非因緣
 持三者法不應作因緣持者有因緣故護持
 禁戒非因緣者無緣持戒不應作者生於大
 姓所不應作護種姓故護次從緣持戒者為
誠得佛故以思勝故其果劇大三五無緣持戒其果
 則小不識果故不應作者求世名故其果亦
 小生於人中復有三種一者畏師二非畏師
 三者畏於惡道畏師持戒名下持戒非畏師
 持戒名中持戒若畏惡道名上持戒復有三
 種一者自持戒而不教人二者自行教人三

者於他行捨護有三種一者缺戒二者不缺
 戒三者一曰缺戒缺戒者初善持戒後則破
 戒是名缺戒不缺戒者初中後時常善持戒
 是名不缺戒一曰缺戒者會諸外道而受齋
 戒邪見殺生是名一曰缺戒

復次比丘觀四種戒何等四離口四過一者
 妄語二者兩舌三者惡口四者綺語復有五
 種戒止五境界是名為五復有六種因緣而
 持禁戒一者畏他求便二者畏於罰戮三者
 怖畏四者因緣五者不觀六者自性復有七
 種戒謂身三戒口有四戒比丘如是觀無量
 持戒象生畏於惡道持戒能度如是持戒略

說二種一者世間二者出世間

如是比丘觀四天天王天已觀三十三天所住

之地及觀業行以何業放生三十三天彼以

聞慧見三十三天所住之地何等三十三一

者名曰住善法堂二者名住峯天三者名住

山頂天四者名善見城天五者名鉢私陀天

六者名住俱吒天俱吒者正谷也七者名雜殿天八

者名住歡喜園天九者名光明天十者名彼

利耶多樹園天十一者名嶮岸天十二者名

住雜嶮岸天十三者名住摩尼藏天十四者

名旋行地天十五者名金殿天十六者名鬘

影處天十七者名住柔軟地天十八者名雜

誠王法念處經下五

俱吒者正谷也

四

莊嚴天十九者名如意地天二十者名微細
行天二十一者名歌音喜樂天二十二者名
威德輪天二十三者名月行天二十四者名
閻摩娑羅天二十五者名速行天二十六者
名影照天二十七者名智慧行天二十八者
名象分天二十九者名住輪天三十者名上
行天三十一者名威德顛天三十二者名威
德焰輪天三十三者名清淨天如是三十三
天比丘觀於微細業之果報持戒善業集何
等業生於善道善業因緣得善果報樂報處
生彼以聞慧聞佛說法非外道法彼見諸天
所生之處遊戲受樂不可稱說帝釋天王之

所擁護住善法堂外道說為常住不滅初觀
善法次分別觀善修何戒生善法堂彼見聞
知若人持於七種之戒不缺戒不穿戒不隙
戒堅固持戒不可譏嫌布施修心於福田中

稱時而施若施阿羅漢若看病人若父母若

阿那含若斯陀舍若須陀洹若起滅定若道

誠

正法念處經卷五

五

行人行慈悲心歡喜捨與於怖畏者施其壽

命是人命終生善法殿作釋迦提婆姓憍尸

迦名能天主有九十九那由他天女以為眷

屬恭敬圍遶供養帝釋如一女人供給丈夫

諸天女等心無嫉妬供養天后同奉帝釋亦

無嫉心其善法殿廣五百由旬毗瑠璃珠以

為欄楯珊瑚為柱頤黎碑磔碼碯莊嚴閻浮
檀金金剛而為殿壁如融金色具牀皆以金
剛摩尼赤蓮華珠青珠玉寶以為莊嚴其諸
蓮花金剛為鬚真金為莖清淨花池以為莊
嚴復有象鳥毗瑠璃翅赤蓮花珠以為其紫
青因陀寶以為其身遍滿池中其池四岸青
摩尼花摩尼布地復有象鳥青因陀寶以為
其足碑磔為紫珊瑚為眼充滿池中其池復
有象鳥具足其身皆如閻浮檀金珊瑚為翅
因陀羅寶以為其眼復有浴池象蜂莊嚴其
蜂色相如毗瑠璃莊嚴浴池其善法堂有十
大花池何等為十一名難陀蓮花池二名摩

訶難陀蓮花池三名歡喜蓮花池四名大歡
喜蓮花池五名遊戲蓮花池六名正憶念蓮
花池七名一切義蓮花池八名正分別蓮花
池九名如意樹蓮花池十名因陀羅覆處自
在大光明蓮花池是為十種大蓮花池以用
莊嚴天善法堂復有其餘蓮花林池其花清
淨誠白銀為莖正法念慮經十五真金為鬚瑠璃為葉金剛為臺
復有蓮花金剛為莖雜色為葉一一花葉如
赤寶花如毗瑠璃有如碑磬有如金色有如
是等雜色蓮花或有百葉有二百葉乃至千
葉種種色花各各差別以為莊嚴釋迦天王
善法殿堂其蓮花中多有象鳥常欲之鳥一

切行鳥常啼聲鳥若天帝釋與諸天女入蓮
花池娛樂遊戲鳥亦遊戲天奏音樂鳥亦發
聲復有衆鳥名欲放逸若天帝釋遊於花池
鳥亦遊戲如天女身復有衆鳥名曰遊行於
花池岸口銜花鬚遍於池側舞弄遊戲出妙
音聲釋迦天王有如是等勝蓮花池

復次比丘觀天帝釋善業所化彼見花池真
金為魚或白銀魚毗瑠璃魚赤蓮花寶以為
其翼碑磔為目若瞋恚時如赤蓮花種種雜
寶為以鱗鮓或七寶翅遊戲受樂於蓮花池
復次比丘復觀帝釋蓮花林池彼以聞慧觀
蓮花池以何為地彼以聞慧見天帝釋真珠

為沙以覆其地或以銀沙或以金沙或毗瑠
瑠以為其沙如是種種雜色莊嚴悉分別見
帝釋天王善業所化

復次比丘如是分別觀察地分彼以聞慧見

彼彼頭摩蓮花之林周匝皆以真金欄楯或

毗瑠瑠以為欄楯或以白銀而為欄楯真金

羅網誡以覆其上種種象鳥出妙音聲遊戲池

邊

復次比丘知業果報觀善法堂蓮花池中其

蓮花池象蜂雜色出眾妙音金色花中白銀

色蜂金剛為翅其身柔軟白銀蓮花金色為

蜂如是種種象蜂遊戲其中如是善業成就

種種果報

復次比丘觀善法堂彼以聞慧觀善法林釋
迦天王幾種種園林彼以聞慧見善法堂所有
園林一一觀察善法諸天帝釋天王與諸天
女在何等林遊戲受樂五欲自娛彼見有林
名天女遊戲天樹花果皆悉具足衆鳥充滿
樹名如意隨天所念悉從林生若諸天衆遊
戲林中勝花開敷天女入林若近其樹花即
下垂授諸天女時諸天女既取花已枝條還
舉如是衆花色香相貌各各差別隨其念生
故名意樹若念音樂亦復如是聞種種音隨
心所念善業之風吹諸樹葉互相振觸其聲

美妙如天樂音故名意樹復有無量憶念之
樹隨諸天女心之所念莊嚴之具天衣天花
隨念皆復故名意樹復有意樹毗瑠璃色真
念墜葉白銀為枝毗瑠璃葉珊瑚為枝或七
寶葉流出美味復有意樹若諸天女欲見帝
釋以善業故即於此林見化帝釋與之娛樂
此林誡功德見化帝釋如是林中九十九那由
他天女一一誡天女各見與已共相娛樂不見
餘女與天主會隨諸天女心念莊嚴見帝釋
身即隨所念故名意樹如是林中無量欲樂
於此林中次第遊戲至喜樂山其山莊嚴七
寶所成以金剛身巖崿莊嚴真金樹枝弥覆

周遍猶如宮殿金銀青珠以為麀鹿莊嚴其
山多有衆鳥出妙音聲其山有殿名曰勝上
殿有千柱其柱皆以金毗瑠璃青摩尼寶之
所成就金剛廁填百千天宮猶如紅色端嚴
殊特師子之座敷具柔軟殿有千牀毗瑠璃
寶以為莊嚴釋迦天王攻阿脩羅軍既得勝
已一切天衆皆懷歡喜讚歎帝釋共諸天女
昇於此殿遊戲歌舞共相娛樂隨其本業各
各自受上中下樂既遊戲已復入山中遊戲
受樂一心念欲何以故女人多欲天欲勝故
天欲熾然復詣一河於其河中上味飲食隨
河而流種種色香上味之飲充滿其中若有

飲者雍於醉亂飲名歡喜天女飲之心大歡
悅復有美飲名曰能觀既得飲已悉能遍觀
一切天中所有園林無量山障一切皆見復
有天飲名曰象味其飲甚多飲之色力百倍
增長天女飲已復入食地以其自作上中下
業得如是報種種色香美味具足既飲食已
誠復往詣於音聲之地遊戲山中毗瑠璃寶以
正法念處經卷五
為樂器真金為弦象寶鼓音碼磬雜寶以為
簫笛諸天女衆無量音聲如是無量無數音
樂乾闥婆音諸天女衆遍身莊嚴身諸樂具
遊戲受樂以自娛樂歌樂音聲宮商和雅音
曲齊等皆悉具足為增欲樂既作歌音復往

詣於鈴音之地其地鈴網微風吹動出於無
量百千妙音聞之歡喜歌舞戲笑種種妙寶
莊嚴其身復往詣於衆鳥莊嚴蓮花之池其
池衆鳥金銀雜寶以為莊嚴天女入中遊戲
受樂各取金花而共遊戲以花相散心無嫉
妬種種遊戲其聲美妙八功德水遊戲其中
既遊戲已為增欲故自欲難滿貪著欲燒不
知厭足復往詣於鏡樹之林於此林中自見
其身種種莊嚴功德具足種種鏡中見種種
色十倍放逸何以故女人之性三種放逸何
等為三一者自恃身色而生放逸二者自恃
丈夫而生放逸三者憍慢而生放逸自見身

色輕餘女人

復捨此地更詣一林名一切時其林一日具

有六時常不斷絕猶如輪轉以六種時而為

莊嚴林中衆鳥無量雜色隨其林中時分相

似共遊林中離於嫉妬心懷悅樂見此林已

隨心所念入六時林隨時遊戲而受悅樂種

種時鳥誡自集遊戲與諸天女十兩相娛樂於此

林中受五欲樂不念餘林時天帝釋既至此

林天女歡喜歌舞戲笑供養帝釋如是帝釋

一林之中種種功德皆悉具足

復次比丘觀天帝釋第二園林有幾種林名

字何等彼以聞慧見帝釋林名一切遊戲有

何功德彼見聞知其林自體名一切林於此
林中多有天子共諸天女遊戲受樂百千天
女隨念遊戲於遊戲處有八萬四千行殿毗
瑠璃寶以為其輪閣浮檀金以為鈴網白銀
羅網以覆其上七寶莊嚴第一天子或有乘
馬或有乘鵝或有乘空或有地行或有伎樂
或作歌音圍遶帝釋向遊戲處八萬四千龍
象金網覆身寶鈴莊嚴柔軟繒褥以覆象上
若象念慾願則問敷香汁流出第一勝天乘
此龍象瞻仰帝釋前後圍遶詣遊戲處八萬
四千天女種種莊嚴瞻仰帝釋或歌或舞或
奏天樂種種遊戲詣遊戲處八萬四千天女

作象伎樂遊戲歌舞娛樂帝釋種種莊嚴瞻
仰帝釋天后舍脂乘千輻輪七寶之殿真金
毗瑠璃碑磔碼碯天青珠寶大青珠寶以為
莊嚴駕百千鵝闍浮檀金為身珊瑚為足赤
寶為目赤蓮花寶以為其身珊瑚為背真珠
為翅以駕其殿隨帝釋念而有所至帝釋坐
上以種種寶莊嚴其身威德光明勝百日光
誠正法念處經十五
同時並照與后舍脂詣遊戲處勝餘一切天
女莊嚴足一百倍共天帝釋分座而坐詣遊
戲處如是諸天受於色聲香味觸樂與三十
三天向一切樂林一切天象圍遶帝釋及以
舍脂如前所說受於無量百千種樂龍象之

殿大臣侍衛歌樂音聲娛樂帝釋向一切樂
林遊戲受樂欲至彼林先住天女聞天樂音
手執蓮花作衆伎樂出迎帝釋帝釋見之告
諸天衆此諸天女一切林中種種衆寶以為
莊嚴種種音聲我今與之遊戲林中時諸天
衆聞帝釋說白言天王此諸天女王之給侍
常歸於王以王為主帝釋告言此天女等非
我給使非歸於我非我業力以自業力自業
受身隨其自業有上中下是故天女有上中
下非是我力爾時帝釋而說頌曰

下業得下報 衆生道成就 中業得中報
上業丈夫身 若人所作業 隨業得果報

其人時處業 於此身中受 若天光明輪

遊戲種種樂 斯人得善果 清淨勝業故

若丈夫作業 或善或不善 受於果報時

或吾或受樂 此種種樂報 種種遊戲戲

此非我因緣 由彼前業得

時諸天象聞天帝釋說此偈已皆生隨喜合

讚 正法念處經卷五

十二

掌頂受向一切樂林欲共遊戲諸天女等或

百或千手執蓮花種種莊嚴一一女形貌

色相悉無差別歌音亦尔善業所化瞻仰帝

釋舞戲而行向遊戲林其林寶樹白銀為葉

白銀為地銀色象鳥充滿其中出種種音帝

釋為首與諸天象次第而入種種寶光若身

若地光明旋轉遍虛空中帝釋見已心大歡
喜天女歌音宮商齊等天樂音聲八萬四千
行殿駕以龍象鈴網莊嚴出衆妙音無量天
子九十九億天女讚歎帝釋受五欲樂

時天帝釋與諸天女獲往詣於一切樂林乘
大龍殿亦如前說天主釋迦及餘天衆次入
金林金葉金果五丈夫量其味甜美衆香具
足食之增欲龍象食之醉欲而行聞衆樂音
舞戲自娛諸天見之生希有心舞戲可愛食
已舞戲種種鳥音於此林中銀色衆鳥住於
金林第一端嚴

時天帝釋與后舍脂及諸天衆天子天女遊

戲受樂餘天子等各與天女歌舞戲笑互相
娛樂以善業故不生嫉妬復往金林林中有
池名曰清淨金色蓮花毗瑠璃花種種和集
圍遶帝釋天善法堂共天帝釋娛樂受樂與
天女衆久時在於蓮花池邊作衆伎樂共善
法殿一切衆天復入一切樂林其林皆悉毗
瑠璃樹金果具足美味充滿如波那娑果色
誠
正後念處經卷五
香味具諸天取果開而飲之其味勝於人中
上味摩偷之酒諸天飲之無有醉亂天有三
種放逸受樂一者受天女二者食果三者五
欲是為三種受放逸樂如釋迦天主所食天
飯蘓陀之味自業成就一切天衆恭敬圍遶

一一方面於毗瑠璃林遊戲受樂種種象鳥
及以衆蜂鈴網彌覆遊戲已還與天衆入善
法堂有第三林名曰無比釋迦天王有五百
子天女圍遶遊戲其中其園廣博所受之樂
次如帝釋常順法行正見無邪以正見故於
闍戰時勝阿脩羅若人供養父母恭敬沙門
婆羅門隨順無諍彼作是念我今當將諸天
女等詣無比林一一天子有一那由他天女
以為眷屬妙色具足皆共一心遊戲受樂時
諸天子詣帝釋所白言天王我今欲往至無
比林遊戲娛樂願與我等至彼林中時天帝
釋告天子言吾已遊戲今欲順法以自利益

樂從欲生不可滿足我今捨樂畏放逸過放
逸過毒是故捨離時天帝釋而說偈言

不放逸不死 放逸是死處 不放逸不死

放逸常生死 不放逸不死 放逸是死句

我以不放逸 今得天中勝 我今信如來

汝當修行法 我於佛教法 不敢有違失

誡 正法念處經卷五

若違如來語 貪欲愚癡人 不得脫眾苦

常受諸衰惱

時天帝釋說是語已入善法堂尔時帝釋及

諸天子等生大歡喜共詣本宮金寶莊嚴歌

頌娛樂還其所止擊鼓相命欲詣園林遊戲

後樂

介時七萬天子各乘寶殿有乘天鳥與諸天
女遊行空中天衆圍遠或有遊於蓮花池間
奏諸天樂歌舞戲笑詣無比林時帝釋子天
鬘莊嚴雨栴檀香其明晃耀猶如日光或有
光明如月盛滿有如星宿隨其自業向無比
林各各愛戀其心無間入彼林中受天快樂
其林端嚴不可喻說入彼林時香氣無比牛
頭栴檀香十六分中不及其一聞此香已生
希有心復入飲林為求樂故次第入林以善
業故毗瑠璃樹金樹銀樹頗梨迦樹各有百
數種種雜色猶如雜絲其樹雜色莊嚴奇妙
亦復如是無量色相天子見之如淨明鏡魚

景百千四顧觀視生大觀喜天女圍遠聞衆
樂音心甚歡喜復於異處遊戲自娛其林衆
鳥真金為翅毗瑠璃宵珊瑚為足白銀為背
赤真珠寶以為其日出衆妙音復有天子聞
斯妙音各相謂言諦聽諦聽衆鳥之音無量
音曲與天女音不可分別聞鳥聲已復詣異
林遊誠戲受樂見諸池中千葉蓮花光明如日
至彼池間種種莊嚴如前所說與諸天女圍
遠花池歌舞戲笑娛樂受樂復與天女更至
異林於此林中河泉流水於其河中有種種
水所謂流乳及以流飲甜美衆水天子飲之
多有衆蜂衆鳥百數金銀珊瑚雜色寶石集

正法念處經卷五

十五

在河中天子天女於此林中遊戲自娛經於
多時受五欲樂復往詣於花樹林中具林衆
花悉不萎變香氣普熏滿十由旬所謂月光
明花月色花白色花清涼無熱華如星色花
復詣果林其林有果所謂蜜揣果甜味樹果
柔軟樹果香鬘樹果聞香即飽六味樹果如
意味果無厭足果如是無比林中具足此果
善業所生於此林中遊戲受樂飲食飡飲復
往詣於鳥舞之林其林衆鳥遊戲歌舞出妙
音聲天子聞之即受快樂復詣雜林其林異
色一切花果如前所說河池衆鳥亦復如是
故名雜林於此林中五欲自娛乾闥婆音久

受快樂釋迦天王作是思惟我諸子等何處
受於放逸之樂不覺退沒時詣天子知天帝
釋心之所念至帝釋所諸天女等各還本宮
遊戲受樂尔時帝釋見諸天子而說頌曰

怖望諸境界

愛心難厭足

離愛則知足

此人無苦惱

若人愛欲境

則不得安樂

誠正法念處經第五

境界如毒害

後世受苦惱

若初若中後

若現在未來

求樂不可得

後則受苦惱

一切諸世間

增長於生死

流轉不暫停

如駛水奔注

和合必有離

未曾有免者

樂為苦所覆

無量諸誑惑

衆生癡所誑

遊戲於愛欲

一切癡愛人

未曾有厭足

境粵難滿足 如火益乾薪 世間愛所誑

難滿亦如是 雖近於死地 猶不生厭離

為愛境所誑 不求善資糧 天退不自在

為愛所誑惑 我今教呵汝 汝為欲所迷

當作自益利 法為第一道 若有行法者

從樂得樂報 能如是行者 得寂滅涅槃

是故應修福 以求涅槃樂 若有常修福

得至無盡處 天聞帝釋說 寂靜心調柔

是時帝釋子 調伏順父教

時天帝釋教呵諸子 令順正道修行善業閉

惡道門詣於雜林遊戲受樂 諸善所生帝釋

天王有五百殿種種諸寶 頗梨珊瑚金銀天

青寶王天大青寶種種諸寶釋迦天王見種
種林諸蓮花葉如日初出以為莊嚴帝釋見
已而說頌曰

人中造福德 人中無量種 作種種福德

種種皆成就 不作眾善業 為心怨所誑

退時不自在 誠正法念處經第五 墮於極惡處 一切諸宮殿

諸業所莊嚴 以善業增長 成就天人報

今時釋迦天王說此偈已復詣餘殿其殿敷

置無量柔軟寶莊嚴座以為嚴飾善業所化

時憍尸迦見此宮殿處之受樂復至銀殿無

量光明無量眾寶無量眾花嚴飾其殿無量

天女遊戲受樂復至園林諸天女等其地柔

軟衆萃莊嚴其林廣博種種金鳥出衆妙音
衆蜂園遠如意之樹釋迦天王普眼所觀天
衆圍遠遊戲受樂其身威德勝於日月金樹
林中毗瑠璃殿以衆寶柱而為莊嚴諸蓮華
池青寶莊嚴時天帝釋作如是念我入寶殿
遊戲受樂諸天亦念天王欲入與諸眷屬天
女圍遠歡娛受樂尔時帝釋知天所念告諸
天子汝等各各遊戲園林時諸天子聞天王
教各入華池與其天女遊戲自娛天王入殿
坐於清淨毗瑠璃林以善業故其殿清淨猶
如明鏡於此淨壁悉見古昔諸天王等退沒
之相及以名字其名曰鉢浮多天王自在天

主無憂天王正慧天王一切樂天王善住天
王普眼天王一切愛天王千見天王威德天
王持德天王青色天王不退天王如幻天王
齋戒天王福德天王諸遊戲天王梯羅天王
憍尸迦天王以善業故見如是等三十天王
如是天王善業盡故退墮地獄餓鬼畜生墮
誠所生處受大苦惱若入地獄壁上見其受大
正法念處經卷五苦惱苦墮餓鬼見其壁上受大苦惱飢渴燒
身羸瘦苦惱筋骨相連若墮畜生見其壁上
互相殘害受大苦惱若生人中追求作業受
種種苦如是見諸生死無可樂處於生死中
多諸過患無堅無常變易破壞如是天王皆

悉退沒以自業果生於地獄餓鬼畜生云何
捨於如是大樂受斯苦惱云何可忍奇哉生
死甚為大苦若能將天人至大怖處第二天王
受斯大苦釋迦天王第一勝人見此事已生
大厭離自觀其身閉三惡道從天中死生於
人中人中命終還生天上若生人中生安樂
國城邑聚落生大姓家行正法處離於邪見
憍慢諂曲復有自見生於人中為國王子大
臣之子正見家生大富自在人中命終當生
何處即自見身還生天中具大神通第一光
明兵餘天衆食於雜食心生愧耻之業薄故
隨所作業如業得食後於生處不見勝食愧

心思惟我當幾世受如是報以善業故於殿

壁中自見其身天中七生人中七生去來七

返無第八生非於天中非於人中非地獄中

非餓鬼中非畜生中帝釋心念云何我身無

復生處我生何處而不可見心生驚恠何故

無有第八生處久思惟已即自念十九知先聞世

尊說誡如是言須陀洹人七生之後入十九與餘涅

槃我必如是以清淨心敬禮世尊發歡喜心

坐其金座閻浮檀金以為牀座象寶莊嚴復

於壁中見諸先世退沒天王復念入於善法

堂上見諸天象利益諸天時天帝釋從其坐

起往詣雜林共請天子天女眷屬遊戲自娛

受互欲樂種種衆鳥莊嚴林樹及以蓮花以
為嚴飭諸天見已作諸伎樂乾闥婆音至帝
釋所皆為作禮圍遶帝釋天子天王歌舞遊
戲種種歡喜善法堂天種種莊嚴共諸天女
圍遶帝釋作衆伎樂詣善法堂一切歡喜歌
舞戲笑時善法堂所住諸天隨帝釋所供養
帝釋種種音聲鼓天伎樂種種歌舞出美妙
音遍諸天衆異住諸天聞此樂音皆來詣於
善法堂上皆為天王稽首作禮右遶而住無
量百千詣善法堂善知歌舞種種莊嚴以善
業故生在其中戒善所護受斯大果一切天
衆樂報成就其善法堂縱廣五百由旬其色

鮮妙如融金聚毗瑠璃樹以為莊嚴種種寶
 花周匝嚴飭其花香氣滿五由旬常若新出
 令心愛樂未曾厭足如是天眾給侍帝釋九
 十九那由他天女隨天帝釋入歡喜殿金毗
 瑠璃碑磔寶柱以為莊嚴其林柔軟敷以天
 衣釋迦天王悉令就坐諸天受教即皆就坐
 誠

正法念處經卷第二十五

誠 正法念處經中五

誠

隙 丘逆 鱗 鮪 下音巨 巖 嶠 上吾含反 麀 鹿 上音
 章 劇 填 上初使反 咲 笑 二同 頤 余之 輻 福 音 甜
 徒 添 蜜 揣 下音田 駛 水 二音 羸 力垂

山城國綴喜郡薪村

靈瑞山剛恩菴沙門宗桂書寫之

